

Setete o Kalefonia

MAU 1

LAGOLAGOINA: E toe iloilo ina le Tulafono a Kalefonia ina ia iai le aia tatau o le tagata e sa'oloto ai i lona tino, e aofia ai le sa'olotoga pe mana'o i le fa'atosaga pe fa'aaoga puipuiga. O le fa'ataua lea o puipuiga o le soifua maloloina, ma o se aia taua lea e tatau ona puipuia mai le fa'apolokiki.

E LE LAGOLAGOINA MAU 26

E LE LAGOLAGOINA: E fa'alauteleina nisi faiga mo ta'aloga tupe ina ia aofia ai petipetiga i ta'aloga, taisi, ta'aloga i luga o laulau i totonu o kasino a Initia (e pei ona lagolagoina e tulafono a Initia) ma petipetiga i ta'avale tutu'u. E maua ai fo'i nisi alaga-tupe e fesoasoani ai mo le fa'atinoina o le galuega, e fesoasoani ai mo e ua maua i le gasegase o le petipetiga, fa'atasi ai ma ala tupe a le setete. E lagolagoina e Tagatanu'u a Amerika.

E LE LAGOLAGOINA MAU 27

E LE LAGOLAGOINA: E fa'alaiseneina ai fale ta'alo a Initia ma kamupani tetele ina ia fa'aaoga upega tafa'ilagi mo petipetiga i ta'aloga tupe. E maua ai nisi alaga-tupe e fesoasoani ai mo le fa'atinoina o le galuega, ma fesoasoani ai mo tagata ua leai ni aiga. E fa'ateleina ai le a'afiaga mo tupulaga laiti ma fa'aletonu o le mafaufau e ala i ta'aloga tupe. E le o tutu fa'atasi ai Tagatanu'u Amerika i lenei mataupu.

MAU 28

LAGOLAGOINA: E fa'amalosia ai le setete ina ia fa'atulaga se tupe fesoasoani mo a'oga tusi ata mai le tausaga a'oga K-12, e aunoa ma se si'itia ai o ni lafoga. I le lava ai o tupe fesoasoani, o le a le fa'atauina ai e a'oga avanoa mo a'oga tusi ata, e ui ina mo'omia mai e iunivesete o Cal State ma Kalefonia mo la'asaga e ulufale ai.

MAU 29

LAGOLAGOINA: E mo'omia ai e nofoaga fa'amama toto aiaiga fou mo tagata faigaluega, tala fa'amaumau e tu'uina atu i le setete, ma fa'ailoa mana'oga o i latou e ona nofoaga ia. E fa'aleleia le malu puipuia ma le lelei atoatoa mo tagata mama'i, o le tau e totogi ai, ma 'aia ne'i fa'ailoga tagata i ala e totogi ai.

MAU 30

LAGOLAGOINA: E fa'aitiitia ai kasa o'ona e ala i le si'itia o lafoga mo le 'au milionea, ma fa'aaoga ai lenei ala tupe e tu'u ititiitia ai le fa'atauina o ta'avale uila, ma faia ai nofoaga e fafagaina ai ia ta'avale, aemaise lava i nofoaga o tagata lanu ma le 'au le tago lima. E fesoasoani fo'i mo ni avanoa fou ma le a'oa'oina o tagata faigaluega o le tineiafi.

MAU 31

LAGOLAGOINA: O lenei mau o le a tuuina atu ai i le 'au palota le filifiliga e fa'atumaui (palota "ioe") po o le le talia (palota "leai") o le tulafono a le setete i le 2020 e fa'asaina ai le fa'atauina atu o tapa'a felanulanua'i, ma fa'amalosia ai le sala o le \$250 i faleoloa laisene mo solitulafono ta'itasi uma. O lo'o fa'aaogaina e kamupani sikareti nei tapa'a felanulanua'i e una'i mai ai tupulaga talavou ma nofoaga o lo'o iai tagata lanu, e o'o ai ina le mafai ona tu'ua, ma a'afia ai i gasegase, ma aga'i ai ina fa'ateleina le 'au maliluu.

Itumalo o Los Angeles

MAU A

LAGOLAGOINA: E tu'uina atu ai i le Komiti Sili o le Itumalo le pule e ave'esea mai ai se tagata filifiliga e avea ma Leoleo Fa'aitumalo "i ni tu'ua'iga" e pei o le solia o tulafono e fa'ataua i ona tofiga fa'a-Leoleo, le fa'atinoina o ona tiute, fa'aaoga sese o tupe, ma fa'alavelave i se iloiloiga. O nisi Leoleo ua tuana'i sa fa'amaonia lo latou solitulafono. E taua tele lenei aupega e puipuia mai ai Leoleo mai le fa'aaoga sese o le pule. O le a laugatasia uma ai Leoleo e aga'i atu i le lumana'i.

MAU C

LAGOLAGOINA: O le a fa'atulagaina ai se lafoga fou mo pisinisi o lo'o totonu ma fa'atauina atu le la'au kanapisi i nu'u e le'i aloaia i totonu o le itumalo. O nei pisinisi o lo'o fa'asaina i le taimi nei, ma o le a fa'atagaina i le tausaga 2023. A mae'a ona fa'atagaina, e mo'omia le tupe maua mai lafoga e tu'u va'ava'aia ai ma fa'amautinoaina ai le malu puipuia o latou oloa fa'atau atu.

Kolisi Fa'a-Itumalo i Los Angeles

MAU LA

LAGOLAGOINA: E fa'alafogaina ai nofoaga fa'a-pisinisi ma nofoaga lautele i le \$25 i le \$100,000 o le tau auililila o le tau aofa'i o lea nofoaga ina ia fa'atupeina ai le nonoga tupe e \$5.3 piliona mo A'oga Fa'a-Itumalo a Los Angeles. O nei tupe o le a fa'aleleia ma fausia ai ni falea'oga fou, o fale tetele, ma mea faigaluega, e pei o le ave'esea o le limu ma vaia'au o'ona, ma fausia ai ni fale nofo mo tamaiti a'oga ma le 'au faigaluega.

O le Nu'u o Los Angeles

MAU LH

LAGOLAGOINA: E fa'atagaina ai le nu'u e fauina nisi fale e 5,000 mo aiga le tagolima mo nofoaga nofo totogi i totonu o pitonu'u e 15 o le nu'u, po o le 75,000 o nisi fale fou. E mo'omia le aumai i luma o le maualuga o le tau o le soifuaga, fa'atasi ai ma le taugata o fale nofo totogi, aemaise le fa'ateleina o tagata e leai ni aiga i totonu o le nu'u.

MAU SP

LAGOLAGOINA: Lafoga mo "nofoaga fa'aleleia" ina ia fauina, fa'aleleia, ma galueaina paka ma nofoaga malolo. E mo'omia ona o tagatanu'u lanu ma i latou e le tagolima, e seasea ona maua ni avanoa mo paka, ma o le alaga-tupe mo polokalame o lo'o i ai nei mo le fa'atupeina o paka ma nofoaga malolo, e fa'amutaina i le tausaga 2026.

MAU ULA

LAGOLAGOINA: E fauina se tulaga maoti mo le fa'atupeina o polokalame mo fale taugofie nofo totogi, ma fesoasoani mo le fa'aititia o tagata e leai ni aiga, o lo'o fa'atupeina i le lafoga e tasi i luga o le tau o fale taugata (e ova ma le \$5 miliona). E mo'omia e lu'itauina ai le taugata o le soifuaga, le leai o ni fale taugofie totogi, ma le fa'ateleina o tagata e leai ni aiga i totonu o le nu'u.

Ad paid for by AAPI Equity Alliance, 905 E 8th St, Los Angeles. Additional information available at ethics.lacity.org.

